

WAKITÀ UWANA POL ATSETSÈR À AZLA FILIPIYA Lettre de Paul aux Philippiens

Ayyi

¹ Gi Pol anu la Timotawus uwana anu azlaməna sləray aŋa Yesu Kristu, à uwana mətsetser à akul wakità uwanay.

Mətsetseray kà akul azlaməna madiŋal gəl à Zəzagəla à vok la Filipiya, akul gesina uwana akul la ahəl aŋa Yesu Kristu. Mətsetser babay à azlamasiga, ŋgaha à azlauwana tadfàh sləray la tataka aŋkul la abà, à akul məna madiŋal gəl à vok babay. ² Zəzagəla Baba la Sufəl gami Yesu Kristu tapisakulla gay à vok la mav à akul lapiya.

‘Kikay’, Pol agod à Zəzagəla kà aŋatà

³ Kəla uwana gədzugw à akul, ‘Kikay’, gəgodfàh à Zəzagəla kà akul. ⁴ Kəla uwana gədəv kuda à Zəzagəla kà aŋkul kà, gəvalàh à zagəla. ⁵ ‘Kikay’, gəgodf à Zəzagəla, kà uwana mədaham gay à vok anina dagay la madzəka à mok uwana kapakàw azlaməna manəfay tsərəh à lakana. ⁶ Ndzer, gəsəl kà Zəzagəla, uwana adzəkà madfàh sləray delga la ləv aŋkul la tsəh, adakedfal gəl à ahəŋ, adahənəŋ ala la mavakay, uwana Yesu Kristu adàwul à waŋ. ⁷ Delga à uwana gədzugway kiya uwanay lakəl aŋkul, kà uwana gəwoya akul la ləv tekula, kà uwana anina kà, Zəzagəla adahəŋ delga kà akul aŋa

mazlak gi la kaslà uwana gëga la danay, à mok uwana gëpëh gay marabënj la huma anja masla seriya, gëgëd à dziriga à afik. ⁸ Zëzagëla asël kà gëpëh fida aw, gëwoya akul kaykay, Yesu Kristu la gël anha, uwana la gi la abà, la uwana awoya akul.

⁹ Gëdëv kufà à Zëzagëla kà akul anja mawoy vok kà akul à akul kaykay, ngaha kà kadàsëlaw dziriga, kà akul anja masël azlatatak delga gà la azlatatak mawisiga. ¹⁰ Kasàwàni azlatatak delga gà kiya uwaga, ngaha kadàgaw sëtaka, ngaha dza anja maslëh à akul ala vok la mavakay uwana Kristu adàwul à wan aw. ¹¹ Kadàdàhahaw azlatatak delga gà la ndzëdà anja Yesu Kristu përa. Azladza uwana tadànënj uwaga kà, tadàzlëb Zëzagëla tadàslëkaway babay.

Tatak uwana aduwanj gesina kà: Say Yesu Kristu

¹² Azladedà gulo, asa à gi kà kasëlaw, kà azlatatak uwana tabëz à gi, adala gay marabënj à huma à gay haday, uwaga kà akësanj à ahënj aw. ¹³ Kà uwaga à uwana azlaslodzi uwana tanañla gày anja sufël anja azla Rom, la azladza anik gesina tasël kà: Gi la danay kà Yesu Kristu. ¹⁴ Ngaha aya adzëredàh azlamëna madiñal gël à vok ala anjwaw la tetëvi anja Sufël gami Yesu la tsëh, kurit yewdi agod à atà aw, taslala vok anja mapëh gay Zëzagëla la dazuwaya.

¹⁵ Azladza anik anjatà tapëhay lakël anja Yesu Kristu kà, kà uwana mañor aza à atà kà gi, asa à atà mas à gi ngërpa. Ama kà anja azladza anik kà, taza gay Zëzagëla la lëv tekula.

¹⁶ Tadehəŋ kiya uwanay kà, kà uwana tawoya gi, kà uwana tasəl kà Zəzagəla la uwana asləl gi à waŋ à abanay, kà maz gay marabəŋ à azladza la dziriga. ¹⁷ Ama azladza anik uwaga kà, tapəh gay aŋa Yesu Kristu kà, kà uwana asa à atà magay məŋga kà gi, tapəhay kà la matsəp gay à gay, tayəh maz à gi à ŋgərpa à abà la danay.

¹⁸ Kà madfehəŋ kiya uwanay kà, aza à gi aw. Amiyaka tadəpəhay la ləv delga, baməraka la ləv mawisiga, taziŋ kà gay aŋa Yesu Kristu: Ŋgaha gərabay kà uwaga. Bə la dziri gəda à huma à gay la marabay kà uwaga. ¹⁹ Kà uwana gəsəl kà azlatatak uwaga gesina adəpaka à vok, Zəzagəla adətəf gi la uwaga, kà uwana kadəvaw kuɖa kà gi, ŋgaha aya Masasəɖok aŋa Yesu azlak gi babay. ²⁰ Tatak uwana gəfa madzugway gulo à afik, à gəkuday kà, kà makəlla gi zirui à gəl tetuwa aw, ama kà gi aŋa madzərəɖ ala la abà, ŋgaha asa à gi kà lagonay, baŋaw la kaslā gesina, baŋa gi la sifa, baməraka gədamətsay, azladza aŋa masləkaw Yesu Kristu kà gi. ²¹ Kà aŋulo kà, baməraka gədəgay la sifa, Yesu Kristu aduwaŋ, ŋgaha mamətsay kà masik gulo. ²² Baŋa gədza à ahəŋ la sifa kà, gədəɖah sləray uwana adəzlaka azladza. Lagwa kà, gəsəl tetəvi uwana gəkəsani aw. ²³ Azlatatak səla uwaga tagazlla gi à gəl. Gi kà, gəwoyaŋ kayakay kà say mamətsay, kà gi aŋa mad manəŋ Yesu Kristu uwaga la uwana aduwa vok kà madz à ahəŋ la sifa. ²⁴ Ama baŋa gədza à ahəŋ la sifa, uwaga akəsa vok kà akul. ²⁵ Gəgəɖaŋ à afik kà kiya uwanay gəgəɖ à gi, gəsəl babay kà gədəɖa à ahəŋ la sifa, ŋgaha

mədàdza à ahəŋ anina. Nğaha madz à ahəŋ la tetəvi aŋa Zəzagəla la tsəh aŋa mad à huma à gay, nğaha kà akul aŋa marabay. ²⁶ Kità kà, baŋa gədàsa à uda la daŋay, la mok uwana mədàgay anina aya kà, kadàzləbaw Yesu Kristu mənğa kà gi.

²⁷ Aganay à tatak uwana akəsa à vok, nəfaw tetəvi bokuba uwana gay marabəŋ aŋa Kristu apəh. Baməraka gədàda à awtày à slaka aŋkul, baməraka gədàda à awtày aw, gətsenəŋ kà kadzaw à ahəŋ la paŋaw tekula, nğaha kà kadahaw sləray la ləv tekula, kà gay marabəŋ aŋa mad à huma à gay. ²⁸ Guba akəs akul kà azlaməna məzam aŋkul aw. Baŋa guba aza à akul aya aw kà, atà tadəsəlay kà tadàzila, ama akul kà, Zəzagəla adaβəl akul, masla la uwana adapəhatàla uwaga. ²⁹ Zəzagəla avà à akul tetəvi kà madiŋ gəl à Yesu Kristu à vok, nğaha kà mas nğərpa kà Yesu. ³⁰ Kanəŋaw guvəl uwana gəpàh. Lagonay aya katsənawwan kà gəpay aya, nğaha akul babay kadadaw à abà aŋa mapay.

2

Nəfaw madz à ahəŋ aŋa Yesu

¹ Tsa kahamaw gay à vok la Yesu, kà akul la ndzəfa, tsa awoya akul kà, akul la ndzəfa. Tsa kahamaw gay à vok la Masasəfok Zəzagəla la abà kà, wòyàw vok kà akul à akul, nğaha vok ahamà akul kà akul à akul babay. ² Tsa baŋa kiya uwanay kà, wòyàw vok kà akul à akul, gàw la madzugway tekula, hamàw gay à vok, nğaha gàw la paŋaw tekula, baŋa kadahawwan kiya

uwaga, gədədəf gay ləv. ³ Kadzugwaw kà à gəl ankul pəra aw, kadfahaw zlapay aw, wùlàwla gəl à vədah, nənàwwàŋ azladza anik kà bokuba taduwa akul. ⁴ Kəla uwabeyuwi adaha delga à azladza anik, awkà kanərəzaw gəl ankul pəra aw. ⁵ Dzàw à ahəŋ bokuba uwana Yesu Kristu adzà à ahəŋ.

⁶ Haday kà, masla kà tekula la Zəzagəla, ama maŋor akəs, kà masla aŋa magagazləla gəl aŋha la Zəzagəla aw.

⁷ Asək à uwaga gesina, apakà mayà la tatak gesina la abà, apakà dza. Uwana adapaka dza kà,

⁸ awùlla gəl à vədah, akəs mapəhay aŋa Zəzagəla, akəs mamətsay zlazladaga, amətsay à ahàf à adi.

⁹ Gay gə la uwaga, Zəzagəla afà à slaka mazləbay gə à abà, avəl sləm uwana aduwa azla-sləm anik gesina.

¹⁰ Kà azlatatak uwana la zagəla, la azlauwana la vədah, la azlauwana la tsəh iyaw gesina, la mok uwana tadətsən sləm aŋa Yesu, gesina aŋatà tadàsa à waŋ, tadəkədəfal à ahəŋ.

¹¹ Nŋaha gesina aŋatà tadəpəhay la dazuwaya, kà Yesu Kristu kà Sufəl lakəl aŋa tatak gesina. Kiya uwaga tadəzləb Zəzagəla Baba.*

Udàw bokuba azlatsetsiliŋ la gudəŋ la vok

¹² Azlaməna gay ləv gulo, kəsàw gay Zəzagəla. Uwarà, mok uwana məgà la slaka gə, kakəsaw

* **2:11** 2.11 Yesayya 45.23

gay anha. Lagwa kèsàw gay anha dafuwa à gay, uwana gi la slaka ankul. Uwaga asal magoday, kà Zəzagəla adahəl akul, d'ahàw sləray la masəkulay, la dziriga. ¹³ Kà uwana Zəzagəla adadzəka mađàh sləray la akul la abà, kà akul anja mawoy azlatatak uwana akəs à masla à gəl, ngaha kà akul anja mađàh atà.

¹⁴ Kəla sləray gesina uwana kadahawwanj kà, kaŋoŋuzaw, kagazlaw aw. ¹⁵ Kà akul anja magay sətaka, lela, ngaha akul anja magay azlabəza anja Zəzagəla kokudə tatak mawisiga la akul la abà. Akul la tataka anja azlaməna fida la abà, la azlamawisiga, gəw la tataka anjatà bokuba azlau-đaka uwana taudəy.✧ ¹⁶ Baŋa kadahawwanj kiya uwaga kà, akul kapəhaw atà gay uwana av sifa. Ngaha la mavakay uwana Yesu Kristu adàsa à ahəŋ kà, gəđàdəd gay ləv la huma anha kà akul, kà uwana apəhla sləray dzaŋdzanŋa uwana ala, gəđahəŋ kà apaka deyday aw.

¹⁷ Ləv uwana kavəw à Yesu, kà kalkal bokuba makəd tatak uwana kakəđaw à Zəzagəla: Zlahaw tadəkəd gi, ngaha aniz gulo adàhama à makəd tatak delga ankul uwaga à abà. Baŋa apaka kiya uwaga kà, gəđəgay la marabay, mədədəf gay ləv la slaka gə. ¹⁸ Gəw la marabay ngaha mərəb anina babay.

Timotawus atà la Epafərodit

¹⁹ Baŋa 'Ayyà', Sufəl Yesu agod kà, gədəsləl Timotawus à awtəy à slaka ankul, ngaha masla adədzərəđgəla bokuba uwana adzərəđakulla bay. ²⁰ Dza la ahəŋ la slaka gulo, uwana

✧ 2:15 2.15 5Musa 32.5

adzugway bokuba aṅulo aw, say masla përa. Masla kà, adzugway kà akul përa. ²¹ Azladza anik kà, tadzugway kà à gël aṅatà përa, awkà tadzugw lakël aṅa azlatatak aṅa Yesu Kristu aw. ²² Timotawus kà masla kà, kasëlaw maday aṅha kà delga. Anu, anu sëla kà mädəfah slëray la slaka gà kà aṅa gay marabəṅ, masla azlaka gi à azlaslëray à abà, bokuba uwana bəzi azlaka Baba aṅha à slëray à abà. ²³ Gëfa këla gël à ahəṅ, kà seriya gulo adädəv à gay, kà gëdäsëlla à awtày à slaka aṅkul katskats. ²⁴ Gi babay kà, baṅa asa à Zëzagëla kà, gëdàda à awtày à slaka aṅkul zewk.

²⁵ Deda gulo Epafërodit, maslëlay aṅkul, uwana kaslëlaw à gi à wan, kà mazlak gi la azlatatak uwana gənəkudə aṅha, mädəh slëray la slaka gà, məpa guvël la tsəh ala, gëdzugw lagonay kà delga, kà gi aṅa mawul à akul à awtày aya. ²⁶ Kà uwana atùw akul à tsəh kà manəṅ akul. Gël adakadäl à vok, kà uwana asël kà, katsənàwwəṅ kà agà la dufvats. ²⁷ Hadfay kà, dufvats akëd kufə kufə, awkà naka amətsay. Vok ahamà à Zëzagëla kà aṅha, ama kà masla përa aw, ama kà gi babay, à uwana awurəṅ ala kà gi aṅa mazaw la gël aw. ²⁸ Kà uwaga à uwana asa à gi kayakay kà gëwulla à slaka aṅkul, kà akul aṅa manəṅ masla la marabay, ṅgaha ləv gulo aṅa mataslla. ²⁹ Baṅa adàda à awtày kà, kəsàw masla la ahəl sëla, kà uwana masla kà, deda aṅkul la tetəvi aṅa Sufël gami la tsəh. Sləkàwəw tsəhay dza uwaga. ³⁰ Kà uwana aləg kà ṅuv ṅuv, awkà naka amətsay à slëray aṅa Kristu à

abà. Atùw sifa aṅha aw kà, kà masla aṅa mahèn uwana ala atèm à ahəṅ la slaka aṅkul la abà kà aṅulo.

3

Tetəvi uwana adala dza à dziriga aṅa Zəzagəla à abà

¹ Azladedda gulo, aganay tatak uwana gəkəḍla gəl à gay gulo, vālāhāw à zagəla, kà uwana akul azlaaṅa Sufəl Yesu. Gəy vok aw, gay uwana gəpəh à akul uwarà gəwùllal à tsəh aya, ṅgaha uwaga adàzlaka à akul kà tatak maḍahakullaṅ mawisiga à vok aw. ² Dahāw haṅkəli la azlakəda, kà uwana azladza uwaga taḍehəṅ kà sləray mawisiga, takad gəl à azladza à vok. Tadzugway kà lakəl aṅa makadav azladza à uda pəra. ³ Anu la uwana, anu azlaməna makadav vok à uda dziriga, awkà atà aw. Kità kà, anu la uwana anu tsəhay aṅa Zəzagəla. Anu la uwana mədəv kuḍa à Zəzagəla la ndzəḍa aṅa Masasəḍok tsikasla, ṅgaha məzləḅ Yesu Kristu, məfà madzugway gami à madz à ahəṅ aṅa azladza à abà aw. ⁴ Agayṅa azlatatak aṅa gudəṅ à vok uwanay akəs vok kà, naka gəslala vok aṅa maf madzugway gulo à uwaga à afik bay. Baṅa dza aslala vok aṅa maḍāh, uwana azladza gudəṅ à vok taḍehəṅ, gi kà, gəsəl kà, dziriga gulo aḍuwaṅ aṅha. ⁵ Gi kà, kà uwana gəgəḍfaṅ à afik kà, gi zil Ibəranəṅkowen slilihga, uwana azla Ibəranəṅkowen tayyà gi. ṅgaha aya kà, gi zil Isərayel, gəsà à uda la tsəhay aṅa Benyamin. Mok uwana tayyì gi, la lig mahənay mtəgis,

takədèv gi à uda, mayahudiya à Yahudiya. Gi tekula aña azla Farisəya. ⁶ Gənəfà mapəhay gami lela, tsərəh à uwana gətərəbàhà azlaməna madiṅal gəl à Yesu à vok, ama mapəhay aña azla Yahudiya kà, gəpəsəw amiyaka tekula aw, ndzer, gəgà matsizlla à ahəṅ gà la uwaga la abà la lela. ⁷ Gənərèz kà azlatatak uwaga kà apakà kà bokuba mazəb sili təla gulo, ama lagonay kà, kà Yesu Kristu gədasəlay kà, uwaga apakay bokuba azlatatak deyday. ⁸ Ndzer gəpakà azlatatak uwaga ala gesina kà deyday, kà uwana gədasəl Sufəl gulo Yesu Kristu uwana aduwan azlatatak anik gesina. Kà masla la uwana gədakweska uwaga gesina. Gədapaka azlatatak uwaga ala, bokuba azlaàläh, kà gi aña maḃəz Yesu Kristu, ⁹ ṅgaha kà gi aña magay aṅha aña tetuwa. Gi dziriga la huma Zəzagəla, kà uwana ‘Gəkəs mapəhay aña azla Yahudiya’, gəgod aya aw. Tatak uwana agà à gi dziriga la huma aṅha kà, kà uwana gədiṅ gəl à Yesu Kristu à vok. Zəzagəla la uwana apakagəla dziriga, kà uwana gədiṅ gəl à masla à vok. ¹⁰ Uwaga asa à gi kà tatak tekula pəra, uwaga kà masəl Kristu, ṅgaha ndzəḃa aṅha uwana awùlla à uda la mamətsay, kà asa à gi babay kà, gəsa ṅgərpa bokuba uwana asàh, ṅgaha gəkəs gəl à ahəṅ bokuba aṅha uwana akəsà gəl à ahəṅ, akəsà mamətsay. ¹¹ Baṅa asa à Zəzagəla kà, awulla gi à uda la mamətsay bokuba aṅha bay.

Mahoyay à gay kabaw

¹² Gəgod magay kà: ‘Gədaḃəza azlatatak uwana gəkuday’, gəgod aw ṅgaha: ‘Gi masla

tsakana aya aw', gəgodf aw, ama kà aña uwaga kà: 'Gəda à huma à gay kà azlatatak uwaga aña magay azlaañulo. Kà uwana Yesu Kristu adazəba gi à ahàl aña.' ¹³ Azladedə, gəgodf kà: 'Azlagulo gədaβəzal adagay', gəgodf aw. Tatak tekula uwana gədahəŋ kà, tatak uwana la ləv gulo gesina avika gi, gəwadf vok à uda, kà mabəz tatak uwana akud gi la huma. ¹⁴ Gəda à huma, kà mabəz à gay kabaw, kà gi aña mabəz masik, uwana Zəzagəla azalla anu aña mabəzal. Masik uwaga madz à ahəŋ la zagəla la masla, kà Yesu Kristu. ¹⁵ Anu uwana mədapəkàh makoz la tetəvi aña Zəzagəla la tsəh kà, delga mədzugway kiya uwanay. Baña mədzugway anik la ləv aŋkul la tsəh, kà Zəzagəla adəpəhakulla la dazuwaya. ¹⁶ Tatak məŋga kà, məda à huma à gay la tetəvi uwana la tsəh anu la ama, tsərəh à lakana.

¹⁷ Azladedə gulo, nərəzàw maday gulo, nərəzàw kà azladza uwana taday lela, bokuba uwana kanəŋaw maday gami. ¹⁸ Azladza aŋuvaw la ahəŋ, à uwana maday aŋatà apəhla ala kà, kà atà azlaməna məzam aña Kristu, uwana aməts à ahàf à adi. Gədapəh à akul uwanay kà asik dəŋ, lagwa kà gəpəh à akul aya, gəpəh à akul kà la iyaw tugwi la adi. ¹⁹ Baña kasla aŋatà adədəv à gay kà, tadàda à akàl à abà, kà uwana tanəfà tatak zirui gə, ama tarabay lakəl aña uwaga, tadzugway kà azlatatak aña gudəŋ à vok uwanay pəra. ²⁰ Ama anu kà, anu azlaməna gay aña Zəzagəla, məkud Sufəl gami Yesu Kristu, masla mabəl anu, uwana atsa à ahəŋ la zagəla. ²¹ Baña adàsa à ahəŋ kà,

adàbədfla vok gami guḅguḅga uwanay, kà vok gami aṅa maḅəz ndzəḍa bokuba aṅha. Adàḍfah uwanay kà la ndzəḍa aṅa masəlay, uwana abək tatak gesina à tsəh à asik aṅha.

4

Sawaray makəd gəl à ahəṅ

¹ Azladedə gay ləv gulo, baṅa kiya uwanay kà, dzàw à ahəṅ la titi la abà, tsa akul azlaaṅa Sufəl. Azladedə gəwoya akul kà kaykay, asa à gi mədà-nəṅəṅ akul aya. Gəḍeḍ gay ləv kà akul, akul la uwana kapəhawla kà sləray gulo ala kà delga, à uwana gəts zlapay.

² Evodiya atà la Səntis, kamkam gəgod à akul tsa akul azlaaṅa Sufəl Yesu kà, tsənàw vok gay lela. ³ Kak deda gulo uwana mədahàw sləray la slaka gà, kamkam, zlakà azlamis uwana anina, kà mədàh sləray məṅga la məs ṅgərpa kà gay marabəṅ aṅa mad à huma à gay. Anina la azla Kəlement ṅgaha la azlaməna sləray anik, mədàh sləray la slaka gà. Zəzagəla atsetseràh sləm aṅatà à wakità aṅa sifa adəv à gay aw à abà. ⁴ Tsa akul azlaaṅa Sufəl Yesu kà: Vələhàw à zagəla la kaslà gesina! Gəgod à akul aya: Vələhàw à zagəla!

⁵ Pəhàwla dzəḅa aṅha səla aw aṅkul ala la huma, kà azladza aṅa masəlay kà Sufəl kà nekwa atsa à ahəṅ! ⁶ Kadzugwaw à azlatatak deyday aw, ama lakəl aṅa tatak uwana aga la ahəṅ aw kà, pəhàwla à Zəzagəla à uwana asa à akul la madəv kudfa kà mazlak akul, 'Kikay', gòḍàwwal bay. ⁷ Baṅa kadahawwanṅ kiya uwaga, Zəzagəla

adàvà à akul lapiya. Lapiya uwaga kà, aduwa azlatatak uwana azladza tatsənà. Adənəŋla ləv aŋkul la madzugway aŋkul, ŋgaha kà tatak aŋa maβəz akul aw, kà uwana akul azlaaŋa Yesu Kristu.

⁸ Azladede, tatak uwana gəkəɖla à gəl kà aganay: Dzùgwàw kà lakəl aŋa azlatatak uwana delga kà azladza masləkaway. Uwaga kà azlatatak dziriga à uwana məkas atà, azlatatak uwana dziriga la tetəvi aŋha, sətaka, la azlatatak uwana akəs à azladza à gəl məsləkaw kà atà pəra. ⁹ Azlatatak uwana gətəpakulla, ŋgaha kakəsàw atà, uwana katsənàwwàŋ la paŋaw gulo, ŋgaha uwana kanəŋàwwàŋ kà gəɖehəŋ, ɖahàwwàŋ kiya uwaga! Ŋgaha Zəzagəla uwana avàh à anu lapiya adàdza à ahəŋ la akul.

'Kikay', Pol agod à azla Filipiya kà tatak uwana tazlakà

¹⁰ 'Kikay', gəgod à Sufəl Yesu la marabay mənğa, kà uwana kadzùgwàw à gi gotənaŋ. Ndzer dagay uwarà kà, kadzùgwàw à gi, ama kabèzàw à tetəvi kà mazlak gi aw, la kaslà uwana ada à lig. ¹¹ Uwana gəpəh uwaga kà, kà uwana azlatatak anik taləg kà gi à waŋ aw, ama kà uwana gədatapla madz à ahəŋ la marabay la abà, baməraka adagay bà la kaslà uwala beyli. ¹² Gəsəl uwana gədza à ahəŋ, à baŋa tatak adadəv à gay, gəsəl madz à ahəŋ babay, à baŋa tatak gulo la ahəŋ. Gədatapla madz à ahəŋ la kuɖa la abà, gədəgay la tatak may, amiyaka gədəgay la may aw, baməraka tasləka gi aw, amiyaka adəsləka gi. ¹³ Gəslala vok aŋa

madehəŋ à azlatatak uwanay gesina, la ndzəfa aŋa Yesu Kristu, uwana adzərəɖgəla. ¹⁴ Ama kaɖahàwwàŋ kà delga, kà uwana kazlakàw gi, la matərəbay gulo la abà.

¹⁵ Akul azla Filipiya, kasəlaw la kaslà uwana gədzəkà mazakulla gay marabəŋ la kutso aŋkul la abà, la Makeduniya, ŋgaha gəwùl aŋulo la slaka aŋkul, kà akul la uwana kazlakàw gi pəra. Akul mahəm à ahəŋ məna maɖiŋal gəl à vok, à uwana məbàɖla kà vok tatak uwana mənàhkudfa aŋha pəra. ¹⁶ Mok uwana gi la Tesaloniki kà, kaslələw gi azlatatak uwana à waŋ gənàhkudfa aŋha kà asik dəŋ. ¹⁷ Uwaga asal magoɖay kà, asa à gi məbəz tatak aŋkul pəra aw. Gi la marabay kaykay kà, kà uwana gəsəl kà Zəzagəla adapisakulla gay à vok kà azlatatak uwana kavàhàw. ¹⁸ Gəbəzà tatak gesina uwana kaslələw gi à waŋ ɖaɖuwa à gay uwana gənəkudfa aŋha. Mok uwana gəɖabəzal tatak uwaga Epafərodit asegəla à waŋ kà, tatak gesina uwana gənəkudfa la ahəŋ. Ŋgaha bay kà, azlatatak aŋkul kà bokuba tatak uwana takəɖ à Zəzagəla slaslərɾa, azinal lela, akəsəl à gəl.✧ ¹⁹ Zəzagəla uwana gəsləkaway kà, akor ləmana aŋuvaw. Adàvə à akul kəla tatak uwana kanàwkudfa aŋha, adàvə à akul la magola la ahəl aŋa Yesu Kristu. ²⁰ Mazləbay agay la Zəzagəla Baba gami, tsəràh à awtày! Amen.

Ayyi makəɖ gəl à ahəŋ

²¹ 'Ayyi', gòɖàw à maham à ahəŋ məna gay Zəzagəla, uwana azlaaŋa Yesu Kristu. Azladza

✧ **4:18** 4.18 2Musa 29.18

uwana la abanay anina tadhakulla 'Ayyi' babay. ²² Azlaməna madiḡal gəl à vok gesina 'Ayyi', tagod à akul, azlauwana tadhakullan 'Ayyi' kaykay kà, azlaməna hudḡ gày məḡ sufəl aḡa azla Rom.

²³ Sufəl gami Yesu Kristu apisakulla gay à vok.

**Wakità Zəzagəla Wakitə Anja Makəs Vok
Slawda Mawga (Cameroun)
Matal: Wakitə Zəzagəla Wakitə Anja Makəs Vok
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

03efbf2f-98ca-5534-8610-0be3a8c4b974